

ثلاث نيران منك تطلب النار

عليك أصعب يبوالتارات يا نار

من أول نار شعلت منها جمره
و لا دمة الطفتها شلون كشره
هذيك السببت يا حيف عصره
بخزانة المادروها ضمت أسرار

يّلوح لك كمر عدنان بچفوف
بوگت نار الخيم شبت بالطفوف
يبوصالح يحشم بك يموصوف
و إلك راية بگتر عباس تذكار

و شبت نار أخرى بدار جعفر
الخلت بالغرف نسوانه تذعر
بحقد نار العدا لليوم تسعر
اجو هدموا ضريحه وكل الاثار

و تشب نار الوله يا مهدي بينا
و ننادي يمتى يا حجة تجينا
البعد طول يبو صالح علينا
إلك خدام خذنا وعندك انصار